



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTKV 0016758 22
Sarajevo, 28.12.2022. godine

SUD BOSNE I HERCEGOVINE-
-Sudiji za prethodno saslušanje-

Na osnovu člana 35. stav 2. tačka a.) i člana 226. stav 1. i člana 227. stav 1.
Zakona o krivičnom postupku Bosne i Hercegovine, p o d i ž e m:

OPTUŽNICU

Protiv:

MATE ŽARIĆA, rođenog 1956. godine u
općini Jablanica,

državljanina BiH i Republike Hrvatske,

MILA BULE, rođene 1955. godine u Ljubuškom,

državljanke BiH,

ALEKSANDARA ŠUKALO zvanog "Saša",

rođenog [REDACTED] 1975. godine u Gradišci, [REDACTED]
[REDACTED] državljanina BiH,

ZORANA MANOJLOVIĆA, [REDACTED] rođenog
1955. godine u Mrkonjić Gradu, [REDACTED]
[REDACTED] državljanina BiH,

DRAGA MALEŠEVIĆA, [REDACTED] rođenog
1959. godine u [REDACTED] Banja Luci,
[REDACTED] državljanina BiH,

Što su:

U periodu od 08.04.2015. godine do 22.08.2018. godine iskorištavanjem i prekoračenjem svojih službenih ovlaštenja te ne vršenjem istih postupali u namjeri da pravnom licu [REDACTED] pribave imovinsku korist na način da su nakon što je **Mate Žarić** u svojstvu generalnog direktora "Elektroprijenos-Elektroprenos BiH" a.d. Banja Luka dana 08.04.2015. godine zaključio sa pravnim licem "[REDACTED]" ugovor broj: [REDACTED] koji je za predmet imao nabavka izgradnje trafostanice TS 110/20 KV Šipovo sa ugradnjom opreme u vrijednosti od 5.323.008,44 KM u roku od osamnaest /18/ mjeseci od dana uvođenja izvođača u posao i uplate avansa i nakon što je dana 23.04. i 30.04.2015. godine isplaćen avans pravnom licu [REDACTED] u iznosu od 532.300,84 KM, te nakon toga iako pravno lice [REDACTED] nije u ugovorenom roku i produženom roku od 20.06.2017.godine sve do 05.09.2017. godine završio radove na izgradnji trafostanice TS 110/20 KV Šipovo sa ugradnjom opreme, prekoračivši na taj način rok za izvršenje radova u ukupnom iznosu od 77/sedamdesetisedam/ dana propustili da postupe u skladu sa članom 11. stav 1. ugovora broj: [REDACTED] od 08.04.2015. godine na osnovu koje odredbe je izvođač [REDACTED] u obavezi naručiocu "Elektroprijenos-Elektroprenos BiH" a.d. Banja Luka platiti ugovorenu kaznu u visini od 0,3% od ukupne vrijednosti od ugovorenih poslova bez PDV za svaki kalendarski dan

prekoračenja roka za izvršenje ugovora, i to **Drago Malešević** u svojstvu rukovodioca Službe za komercijalne poslove Operativnog područja Banja Luka "Elektroprijenos-Elektroprenos BiH" a.d. Banja Luka iako je poglavljem 2. Naputka – Uputstva o načinu kretanja i obrade dokumentacije po ugovorima za javne nabavke na razini kompanije Elektroprenos BiH" a.d. Banja Luka iz oktobra 2016. godine propisano da u slučaju postojanja neopravdanog kašnjenja u isporuci ili izvršenju radova i usluga, Služba za komercijalne poslove Operativnog područja vrši obračun ugovorne kazne te isti na ovjeru dostavlja Direkciji za finansije, se vrši fakturiranje i knjiženje, te da obračun ugovorne kazne se dostavlja zajedno sa zahtjevom za plaćanje računa po kojem je obračunata kazna propustio da obračuna ugovornu kaznu zbog prekoračenja roka pravnom licu "██████████" i ispostavi istom fakturu zajedno sa računom za plaćanje u iznosu od 454.957,95 KM, da bi **Zoran Manojlović** u svojstvu uposlenika i rukovodioca projekta Operativnog područja Banja Luka "Elektroprijenos-Elektroprenos BiH" a.d. Banja Luka propustio da navedeno potraživanje evidentira u dnevniku radova i isto dostavi na dalje postupanje i naplatu, a **Aleksandar Šukalo** u svojstvu rukovodioca Operativnog područja Banja Luka "Elektroprijenos-Elektroprenos BiH" a.d. Banja Luka, koji je direktno nadležan za kontrolu izvršenja radova i poslova iz ugovora za operativno područje Banja Luka propustio da izvršnom direktoru za finansije, iako je na osnovu člana 23. stav 3. Statuta kompanije "Elektroprijenos-Elektroprenos BiH" a.d. Banja Luka dužan da sa istim komunicira između ostalog i u planiranju računovodstvenih i finansijskih sistema kako to propisuje član 23. stav 6. Statuta kompanije "Elektroprijenos-Elektroprenos BiH" a.d. Banja Luka ukaže na neizvršenje ugovornih obaveza u ugovorenom roku i produženom roku od strane pravnog lica "██████████" da bi **Mila Bule** u svojstvu izvršnog direktora za finansije i člana uprave "Elektroprijenos-Elektroprenos BiH" a.d. Banja Luka postupajući suprotno članu 71. Statuta kompanije koji propisuje da svoje dužnosti i ovlaštenja koristi u dobroj vjeri imajući u vidu interese kompanije i vlasnika akcija/dionica kompanije, marljivo sa brigom i vještinom koje bi razumne osobe pokazivale u sličnim situacijama propustila da u skladu sa članom 11. ugovora broj: ██████████ od 08.04.2015. godine ukaže generalnom direktoru na kašnjenje u izvršenju obaveza od strane pravnog lica ██████████ i mogućnost aktiviranja bankovne garancije i obračun ugovorene kazne u iznosu od 454.957,95 KM, a **Mate Žarić** u svojstvu generalnog direktora "Elektroprijenos-Elektroprenos BiH" a.d. Banja Luka kao osoba koja na osnovu člana 67. Statuta kompanije, u ime i za račun kompanije zaključuje i potpisuje ugovore u okviru registrirane djelatnosti, zastupa kompaniju pred sudovima i drugim državnim organima i organizacijama, propustio da postupi u skladu sa članom 71. Statuta kompanije koji propisuje da svoje dužnosti i ovlaštenja koristi u dobroj vjeri imajući u vidu interese kompanije i vlasnika akcija/dionica kompanije, marljivo sa brigom i vještinom koje bi razumne osobe pokazivale u sličnim situacijama te da u skladu sa članom 11. ugovora broj: ██████████ od 08.04.2015. godine čiji je potpisnik pravnom licu "██████████" obračuna i naplati ugovorenu kaznu u iznosu od 454.957,95 KM, ili aktivira bankovnu garanciju na koji način je pravnom licu ██████████

██████████ pribavljena imovinska korist u iznosu od 454.957,95 KM a za koji iznos je oštećeno pravno lice "Elektroprijenos-Elektroprenos BiH" a.d. Banja Luka,

Dakle, postupajući kao saizvršioци i odgovorne osobe u institucijama BiH, iskorištavanjem svog službenog položaja, ne izvršivši svoje službene dužnosti, pribavili drugom imovinsku korist a nanijeli štetu pravnom licu "Elektroprijenos-Elektroprenos BiH" a.d. Banja Luka a pribavljena imovinska korist prelazi iznos od 50.000 KM,

Čime su počinili krivično djelo Zlopotreba položaja ili ovlašćenja iz člana 220. stav 3. u vezi sa stavom 1. KZ BiH a sve u vezi sa članom 29. KZ BiH.

Na osnovu člana 110. i 111. Krivičnog zakona BiH predlažemo da se optuženi Mate Žarić, Mila Bule, Aleksandar Šukalo, Zoran Manojlović i Drago Malešević obavežu da pravnom licu „Elektroprijenos-Elektroprenos BiH“ a.d. Banja Luka nadoknadi štetu u iznosu od 454.957,95 KM.

**TUŽILAC-TUŽITELJ
TUŽILAŠTVA-TUŽITELJSTVA BiH**